

# DEN ETERNIDAT



Lès 13 pa Yüni 27, 2026



“ Stimánan, awor nos  
ta yiunan di Dios; i  
ainda no a wǎrdú  
revelá kiko nos lo ta,  
pero nos sa ku ora ku  
E wòrdú revelá, nos lo  
ta meskos kunE,  
pasombra nos lo mir'E  
manera E ta ”

(1 Juan 3:2, NKJV)

Ounke relashonando na Dios i logrando pa konos'E dor di nos bida ta vital, esei no ta e meta di e Kristian.

Nos ta aspirá na algu mas. Nos kier topa kara kara Esun ku nos a topa i ku Kende nos a interaktuá aki.

Kuantu tempu te na e momentu ei? Kiko lo sosodé despues? Kon e konosementu aki lo afektá mi bida diario?



**Tempu pa warda**

**E Segunda Binida**



**Yegando kas**

**Kiko nos lo hasi den eternidat?**



**Nos responsabilidad**



# TEMPU PA WARDA


“ Pero marka easki: Lo tin tempunan teribel den e último dianan.” (2 Timoteo 3:1)

Hesus a duna nos señalnan ku lo sosodé promé ku Su Segunda Binida. Nan ta un seri di situashonnan ku lo bira pió segun ku e momentu ei ta aserká (Mat. 24:6-11):



- **Gueranan i rumornan di gueranan**
- **Nashon kontra nashon**
- **Plaganan, tempunan di hamber i temblornan**
- **Kristiannan lo wòrdu odiá**
- **Apostesia general**
- **Profetanan falsu ku ta gaña**

Pa mantene nos konfiansa den e “ tempunan teribel aki” (2 Tim. 3:1) nos mester kultivá un relashon korekto ku Dios, i tin e siguransa ku El a pordoná nos pikánan i ku nos ta salba pa medio di djE.



Mapa di konfliktonan armá ku ta progresá:

- **Gueranan mayó (10,000 mortonan òf mas)**
- **Gueranan menor (1,000-9,999 mortonan)**
- **Konfliktonan (100-999 mortonan)**
- **Chokenan i pleitunan (1-99 mortonan)**

Un revivamentu spiritual ta nesesario. Nos tin mester di resa, manera Asaf: “ Restorá nos, O Dios; hasi Bo kara resplandesé riba nos, pa nos por wòrdu salvá ” (Salmo 80:3).

# E SEGUNDA BINIDA

“ Y E lo manda Su angelnan ku un zonido duru di tròmpèt, i nan lo reuní Su eligínan for di e kuater biantunan, for di un punto di e shelunan te na e otro.” (Mateo 24:31)

Mateo 24:29-31 ta bisa den breve e eventonan prinsipal di e gran evento aki, e esena di kual ta wòrdu komplimentá dor di otro pasashinan:



Den e momento ei, ora ku e tròmpèt nan zona i tur wowo humano ta mira Hesus, nos lo sa ku e tabata bale la pena e speramentu (wardamentu). Tur orashon di perseveransia, tur momento ku nos a pone tempu di prioridat kunE, tur bia ku nos a papia ku kurashi p'E, tur prueba — lo wòrdu kulminá (kompletá) den mira Su kara.



**Gran desasternan ta sakudi e Tera  
(Rev. 6:12-14)**



**E señal di e Yiu di Hende ta paresé  
( un nubia chikitu)**



**Hesus ta rementá for di e nubianan  
(Rev. 1:7)**



**Su bos ta lanta e morto i ta transformá e  
bibunan (Juan 5:28; 1 Tesalonisensenan  
4:16; 1 Korintionan 15:51-52)**



**E angelnan ta hala e redemínan huntu i ta  
trese nan na Hesus (1 Tesalonisensenan  
4:17)**

# YEGANDO KAS


“ Mi Tata Su kas tin hopi lugá-di-biba; si no tabata asina, lo Mi a bisa boso ku Mi ta bai einan pa prepare un lugá pa boso?.” (Juan 14:2)

Den Shelu tin un lugá ku Hesus a prepará pa nos, un stat pa biba deb dje: e Jerusalèm Nobo (Juan 14:2; Heb. 11:10; Rev. 21:10).

E stat aki, huntu ku esaki su habitantenan – nos – ta wòrdu yamá “ e brùit di e Lamchi ” (Rev. 21:2, 9; Rev. 19:7-8).

E promé evento ku nos lo atendé den nos kas nobo lo ta inolvidabel: e sena matrimonial di e Lamchi (Rev. 19:9).

Pero pa bira e bruit di Kristu, nos mester ta promé Su brùit riba e tera aki. Nos mester tin un relashon íntimo ku Hesus awor. Pa konos’E. Pa papia kunE tur dia. Pa konfi’E. Pa anhela pa e dia ora ku nos lo biba kunE pa semper.




# KIKO NOS LO HASI DEN ETERNIDAT?

**“ Pasombra e Lamchi meimei di e trono lo ta nan wardadó; E lo guia nan na fuentenan di awa di bida. I Dios lo seka tur lágrima for di nan wowonan.” (Revelashon 7:17)**



**E bendishon di mas grandi ku nos lo tin den Shelu lo ta mirando Hesus i ser kapas pa gradisiE pa loke El a hasi pa nos.**

**Pero nos lo no biba pa semper den Shelu. Un tempu lo yega ora ku nos lo baha na Tera, nos hogar final (Rev. 21:1-3; Salmo 37:9). Ounke maldat lo no eksistí einan mas, Hesus ainda lo ta nos Wardadó, kuidando tiernamente pa nos (Isa. 25:8; Rev. 7:17).**



**Naturalmente, esaki lo no ta un bida inútil. Meskos ku Dios a duna hende un trabou ora ku El a kreyé, kada un di nos lo tin un propósito einan. Nos lo ta kapas pa ekspandé nos konosementu i deskubrí kontinuamente maravianan nobo.**

**Kontrali na loke ta sosodé awor, e ora ei nos pensamentunan lo ta 100% dirigí serka Dios, Kende Su amor lo pasa over di tur fibra di nos ser (Rev. 14:1).**




# NOS RESPONSABILIDAT

“ E Spiritu i e bruit ta bisa, “ Bini!” I laga esun ku ta tende bisa, “ Bini!” Laga esun ku tin set bini; i laga esun ku ta desea tuma e regalo pòrnada di e awa di bida.” (Revelashon 22:17)

Den e Jerusalèm Nobo — nos kas etèrno — un riu di e awa di bida ta kore for di e trono di Dios, alimentando e palu di bida (Rev. 22:1-2). Bida abundante, bida etèrno.

Alkansando É ta liber. Hesus a paga e preis. Nos a respondé un dia na e yamada di e Spiritu Santu i sa kon pa yega einan, pero otronan ainda no konose e kaminda.



Nos tin un responsabilidat pa ku esnan kende ta anhelá pa bida etèrno pero no sa kon pa optené(haña) esaki. Nos mester proklamá ku tono haltu: “ Laga esun ku tin set bini; i laga esun ku ta desea tuma e regalo pòrnada di e awa di bida ” (Rev. 22:17).

Te ora ku e tempu bini ora ku nos lo por bebe e awa ei, no laga nos bira kansá di warda. Laga nos mantene e anhelo bibu. Bini, Señor Hesus.

**“ E gran kontroversia kabá. Piká i pekadornan no tin mas. E universo kompleto ta limpi. Un pòls di harmonia i alegria ta bati dor di e kreashon inmenso. For di djE Kende a krea tur, ta kore bida i lus i goso(alegria), dor di henter e reinonan(dominionan) di espasio sin límite. For di e atom di mas minúskulo te na e mundu di mas grandi, tur kos, animá i sin bida, den nan bunitesa sin sombra i goso perfekto, ta deklará ku Dios ta amor.”**